

ACTES DEL XXè CONGRÉS D'HISTÒRIA DE LA MEDICINA CATALANA. Vic. Juny 2018

NISSAGUES DE METGES I CIRURGIANS A LA VAL D'ARAN. CONTRIBUCIÓ AL DICCIONARI DE METGES I CIRURGIANS

RIERA SOCASAU, Joan Carles
Acadèmic Corresponent. RAMC

RESUM: Es presenten en aquest treball les nissagues familiars de metges i cirurgians que van néixer a la Val d'Aran fins a l'any 1900.

PARAULES-CLAU: Nissagues. Vall d'Aran. Metges. Cirurgians. Segles XVII – XIX.

RESUMEN: Se presentan en este trabajo las sagas familiares de médicos y cirujanos que nacieron en la Val d'Aran hasta el año 1900.

Palabras-clave: Sagas. Vall d'Aran. Médicos. Cirujanos. Siglos XVII – XIX.

INTRODUCCIÓ

No és infreqüent el pas d'una professió de pares a fills o a vegades que dos germans facin els mateixos estudis i això té especial rellevància en les professions sanitàries, potser més en segles anteriors, això garantia una posició social i una estabilitat econòmica a la majoria dels casos. Es presenten en aquest treball les nissagues de metges i cirurgians, fins a l'any 1900, nascuts a la Vall d'Aran. Si bé en alguna ocasió els cognoms poden ser semblants no per això formen part de la mateixa nissaga. Les referències de cada una de les entrades es fan en aranès en ser així redactades per tal de formar un diccionari aranès del personal sanitari que està en elaboració; amb tot i això no pensem que existeixi cap dificultat en la seva interpretació.

* NISSAGA DELS ABADIA

ABADIA, Tomàs. "MAJOR". CIRURGIAN

N. en Tredòs. En 1759 se le autrejec eth priviletge de cirurgian deth Protòmedicat. Documentat com a cirurgian en Tredòs en 1766. Morís en aquest pòble en 1766.

ABADIA, Tomàs. CIRURGIAN

N. en Tredòs. Hilh de Tomàs Abadia "Major". Maridat en prumères nòces en 1762 en Tredòs damb Maria Daunés, hi ha documentades tres hilhes, Maria, Teresa e Ròsa que moriren eth madeish dia en 1770. Se maridèc en segones nòces damb Francesca Amiell, en 1773, tanben en Tredòs, documentadi dus hilhs, Tomàs e Joan Antòni e dues hilhes, M^a Isabèl e Antònia. Documentat en Tredòs entre 1757 e 1788.

* NISSAGA DELS ADEMÀ

ADEMÀ SAFONT, Andrèu. MÈTGE

N. en Vielha eth 16 de gèr de 1764. Pair des mètges Andrèu e Ramon. Estudièc en Saragossa. Aprovat peth Reiau Protòmedicat de Barcelona en 1792, justificuèc es sues practiques eth mètge Manuèl Vergés. Maridat damb Francesca Colldeforns Soler en 1795 en Vielha. Conductat en Vielha, en 1824, compagine aquesta conducta damb era de Salardú, damb era de Betren, damb era de Les e damb era de Arrós e Vila. Subdelegat de Medicina en 1832 remplaçe a Manuèl Vergés per defuncion, en 1835 informe d'ua malautia des pòrcs e en 1840 demane era sua jubilación en càrrec de Subdelegat entà poder anar a viuer en un "país más halagüeño". Tota era sua activitat se desenvolpe ena Val d'Aran. En 1854 ei referenciat en Barruera, en enterrament deth sòn hilh Ramon.

ADEMÀ COLLDEFORN, Andrèu. MÈTGE

N. en Vielha en 1801. Hilh deth mètge Andrèu Ademà Safont e de Francesca Colldeforns Soler. Estudièc prumer en Cervera en 1820 e dempús en Òsca. Se graduèc en medicina eth 9 d'abriu de 1824. En toti es sòns documents universitaris cònte auer neishut en Vielha, mès enes documents der exèrcit, Arxiu Militar de Segovia, cònte neishut en Es Paules (Aragon). Nomentat en 1828 Subdelegat de Medicina deth partit de Benabarre, en madeish an de 1828 va a viuer en Benasc e en 1847 ei nomentat Professor Mètge Auxiliar der Espitau e Castèth de Benasc peth "Jefe de Sanidad Militar D. Francisco Vidal". En 1851 escriu era "Topografia Médica de la Villa y Castillo de Benasque". Mètge dera guarnición deth castèth de Benasc e mètge der espitau militar d'aquesta poblacion entre 1847 enquia deseme de 1858 en que se barre er espitau e se destruí eth castèth de Benasc. Era sua darrera referéncia ei en 1859, quan demane ua gratificacion ara reina per servir, estant mètge civiu, as militars. Semble que sustituc a Anaclet Bada Borda enes funcions de mètge de Benasc.

ADEMÀ COLLDEFORN, Ramon. MÈTGE

N. en Vielha en 1814. Germà deth mètge Andrèu. Graduat en Cervera en 1836. Conductat en Vielha a partir de 1839, coincidís ena conducta damb sa pair Andrèu Ademà, que le remplaçe enquia non èster det tot titolat, damb Anton Vidal e damb eth cirurgian Agustí Puyol. Titolat en Medicina e Cirurgia ena Acadèmia de Saragossa en 1840. En 1839 remplacèc a sa pair Andrèu, de forma interina, en càrrec de Subdelegat de Medicina ena Val d'Aran e en 1841 se le nomena de forma definitiva a prepausa dera Acadèmia de Medicina e Cirurgia de Barcelona. Aguest madeish an escriu ara Acadèmia en tot demanar s'es mètges son autorizadi a practicar sagnies o sonque ac pòden hèr es cirurgians. Tanben demane se li envie vacuna tara pigòta. En 1844 va a viuer en Lascuarre e dempús tà Barruera a on ei mètge titolar, e a on se maride e a es hilhs. Morís en Barruera en 1854.

*** NISSAGA DELS BORDES**

BORDES, Jaume. MÈTGE

N. en Bossòst. Exercís ena meitat deth sègle XVIII. Maridat damb Maria Agnes Cuny. Pair deth mètge Andrèu Bordes Cuny.

BORDES CUNY, Andrèu. MÈTGE

N. en Bossòst eth 30 de noveme de 1740. Hilh deth mètge Jaume Bordes e de Maria Agnes Cuny e pair deth mètge Antòni Bordes. En bèth lòc Andrèu signe coma Bordes Benosa mès era sua mair ere Cuny. Estudièc en Òsca e revalidat en 1775. Maridat damb Ròsa Rodriguez, hilha der Oficiau dera Doana, Ròsa morís en 1816. Aueren dues hilhes, ua d'eres ère Maria Agnetis, neishuda en 1770, que se maridèc damb eth cirurgian de Bossòst Blai Safont. Andrèu ei documentat des de 1772 enquia 1816. Pendent uns ans passèc visita damb eth sòn hilh.

BORDES RODRIGUEZ, Antòni. MÈTGE

N. en Bossòst en junhsèga de 1779. Hilh deth mètge Andrèu Bordes e de Ròsa Rodriguez, arrèhilh deth tanben mètge Jaume Bordes. Estudièc es quate prumers ans en València, non podèc seguir es estudis pera invasió francesa e tornèc tà Aran tà passar visita damb sa pair des de 1808 enquia 1810. Va a estudiar en Òsca e se gradue en medicina en 1815. En 1816 ei revalidat, examinat peth Protòmedicat. Documentat en Aran enquia 1842.

*** NISSAGA DELS BOYA**

BOYA, Felip. CIRURGIAN

N. en Les. Maridat damb Francesca Calbetó. Pair deth cirurgian Joan Boya Calbetó. Tanben aueren ua hilha, M^a Joana que se maridèc en 1786. Documentat en Les des de 1763 enquia 1798.

BOYA CALBETÓ, Joan. CIRURGIAN

N. en Les en 1748. Hilh deth cirurgian Felip Boya e de Francesca Calbetó. Maridat damb Clara Cirat, en Vilamòs en 1773, a on viuien. Aueren ua hilha, Maria, que se maridèc damb Joaquim Condó, mètge de Vilamòs. Maria moric veuda en Les en 1827. Documentat en Aran entre 1773 e 1832 coma "Mestre Cirojà", "Quirurgus" o "Cirujano". Morís en Les eth dia 23 de gèr de 1832, as 84 ans, veude

*** NISSAGA DELS BUSQUET**

BUSQUET, Joan. CIRURGIAN

Cirurgian documentat en Les ena primera mitat deth sègle XVIII. Pair des cirurgians Josèp, Joan, Antòni e Felip.

BUSQUET BOYA, Antòni. CIRURGIAN

N. en Les. Cirurgian romanciste. Revalidat en 1772. Hilh deth cirurgian Joan Busquet e germà des cirurgians Felip, Joan e Josèp Boya.

·BUSQUET BOYA, Felip. CIRURGIAN

N. en Les er 1 de març de 1721. Hilh deth cirurgian Joan Busquet e germà des cirurgians Antòni, Joan e Josèp Boya. Maridat damb Francesca Calbetó en 1772. Pair deth cirurgian Joan Busquet Calbetó.

·BUSQUET BOYA, Joan. CIRURGIAN

N. en Les. Cirurgian romanciste. Hilh deth cirurgian Joan Busquet e germà des cirurgians Antòni, Josèp e Felip Boya. Revalidat en 1772.

BUSQUET BOYA, Josèp. CIRURGIAN

N. en Les. Hilh deth cirurgian Joan Busquet e germà des cirurgians Antòni, Joan e Felip Boya. Exercic era cirurgia en Santa Eulàlia de Provençana, Hospitalet de Llobregat. Maridat eth 7 de seteme de 1753 damb Maria Àngela Quintana e Troch, hilha deth cirurgian Bonaventura Quintana.

*** NISSAGA DELS CONDÓ**

CONDÓ FERRER, Joaquim. MÈTGE

N. en Vilamòs eth 12 de deceme de 1765. Hilh de Joan Andrèu Condó Solé e de Isabèl Ferrer Moga, de Vilamòs. Estudièc en Òsca. Bachelier en medicina en 1791. Practiquèc en Saragossa damb eth mètge Tomás López un an e dempús en Barcelona damb eth mètge Francesc Colom enquia 1793. Revalidat en gèr de 1793. Maridat en seteme de 1793 en Vilamòs damb Maria Boya, hilha deth cirurgian Joan Boya, aueren quate hilhs, un d'eri eth cirurgian Miquèu Condó. Maria morís veuda en octubre de 1827. Documentat en Aran enquia 1804.

CONDÓ BOYA, Miquèu. CIRURGIAN

N. en Vilamòs eth 24 de noveme de 1807. Cirurgian romanciste. Hilh deth mètge de Vilamòs Joaquim Condó Ferrer e de Maria Boya, arrèhilh per part de mare de Joan Boya, cirurgian de Vilamòs. Graduat en 1834, aprobat peth Col.legi de Medicina e Cirurgia de Barcelona. Practiquèc damb eth cirurgian Bartomeu Ricard. Maridat damb Teresa Escales, veuda, de Gausac. Teresa morís en 1872 as 56 ans. Ei possible que siguesse era dusau hemna de Miquèu Condó perque en 1835 nèish ua mainada en Les, que morís as dètz diez de nèisher, hilha deth cirurgian Miquèu Condó e de Maria Saforcada. Documentat en Aran des de 1835 enquia 1860. Morís en Les eth 14 de seteme de 1860.

*** NISSAGA DELS COY**

COY MOGA, Antòni. CIRURGIAN

N. en Salardú ath torn de 1751. Cirurgian romanciste de dus examens revalidat en 1779. Maridat damb Margalida Malvés, Malbes en un aute document, aueren un hilh cirurgian, Antòni, e ua hilha maridada damb eth cirurgian Jaume Monlau. Pair-sénher deth tanben cirurgian Francesc Monlau. Documentat en Aran en 1797.

COY MALVES, Antòni. CIRURGIAN

N. en Gessa. Hilh deth cirurgian Antòni Coy Moga e de Margalida Malvés. Ua germana sua se maridèc damb eth cirurgian Jaume Monlau. Cirurgian romanciste d'un examen revalidat en 1779.

*** NISSAGA DELS DE MIGUEL CERCÓS**

DE MIGUEL CERCÓS, Domènec Manuèl. CIRURGIAN

N. en Vilac eth 7 de noveme de 1763. Cirurgian romanciste de dus examens. Practiquèc en Tàrrega damb Père Huguet. Graduat en 1789.

DE MIGUEL CERCÓS, Francesc. CIRURGIAN

N. en Vilac er 1 de noveme de 1752. Cirurgian romanciste. Possiblaments germà de Domènec Manuèl. Matriculat en 1777. Exercic era cirurgia en Sant Martí de Maldà (Lheida). Maridat damb Josèpa Saludes, hilha deth cirurgian Antòni Saludes.

*** NISSAGA DELS DE MIGUEL**

DE MIGUEL ESTREME, Fèlix. MÈTGE

N. en Vilac, de casa Sebastià. Residís tostemp en Vilac. Hilh de Francesc De Miguel Cirat e de Joana Estreme Perale, maridadi en 1689 en Vilac. Estudièc en Òsca, a on se matriculèc en 1722. Ua germana sua, Marianna, se maride en 1736 damb Francesc Sanjuan, menescau de Betlan. Marianna moric sense testar e era sua unica hilha Francesca, "pobre de solemnitat", siguec obligada a testar, en tot deishar-li era dòte dera sua mair ath sòn hòme Francesc Sanjuan "trobandose de menor edat y detinguda de una calentura maligna", mès eth testament siguec revocat peth sòn oncle, eth dr. De Miguel, dempús d'auer estat visitada, a peticion deth madeish mètge e per orde deth jutge Fco De Miguel Capdet, per Andrèu de Pèremiquel, mètge de Vielha e per Matèu Forment e Josèp Sabadia, cirurgians de Vilac, eth dia 26 de junh de 1748, en tot declarar-la incapacitada entà testar "tant per la fatuitat com per la forsa de la malaltia; no obstant de haber dita Francesca combalescut de la dita malatia ha quedat abandonada de son pare, madrastra y germá o mix germá, anant baga per lo mon", ei un cas de peritatge forense. Eth sòn oncle eth mètge De Miguel dèishe en mans deth sòn hilh, en sòn testament, eth capelhan Francesc De Miguel, qu'en cas de que se li retorne la dòte se suenhe d'era, que va "bagamundegiant per Fransa".

Fèlix De Miguel se maridèc en prumeres nòces damb Francesca Deó, en Vilac en hereuèr de 1728. Aueren a Carlos De Miguel Deó, mètge, e a Maria, en 1728. Se maridèc en dusaus nòces damb Gertrudis Vidal, de Betren, de casa Moreu, en deceme de 1734. Gertrudis hec testament en 1739 "detinguda de una grabe malaltia de la qual presum morir", en preséncia deth cirurgian de Vilac Josèp Sabadia. Aueren ua hilha que morís as tres mesi e un hilh, acòlit en seminari de Sant Gaudens e capelhan de Vilac en 1772. Eth tresau matrimoni deth mètge De Miguel ac hè damb Madalena Arjó Castell, de casa Paulet d'Arties. Madalena

hec testament en 1768 en testimoni de Antòni Sirat, apotecari de Vilac; aueren quate hilhes e un hilh. En 1778 eth mètge Fèlix De Miguel hec un inventari des sues causes, que ja non podec signar e ath madeish temps eth sòn testament. En sòn testament “vull y mano” que siguen retornadi tà casa deth dr. Cau d'Arròs cinc libres de medicina “en folio enter” que sòn tres de “Senerto”, un de “Riverio” e un d'anatomia de “Andrés Laurencio”.

Es auti libres que demoren ena sua casa, “Un tomo de Riverio, un tomo de Maroxa, un tomo del Dr. Llobera de Avila, en folio entero, un tenque, dos tomos que se titulan Riverius Reformatus, un Diascórides” se venen (veir Carles De Miguel). Ath sòn eretièr Francesc De Miguel Vidal le deishe tanben “un quartet de estany” e ua “xeringa de estany”. Eth mètge Fèlix De Miguel Estreme morís en Vilac eth dia 2 de gèr de 1778. Ei mencionat en Qüestionari de Francisco de Zamora, per part deth sòn hilh quan arrespon coma se guarien es malauties.

DE MIGUEL DEÓ, Carles. MÈTGE

N. en Vilac. Hilh deth mètge Fèlix De Miguel Estreme e de Francesca Deó. Estudièc en Òsca. Graduat en 1760. Ua unica referéncia en Aran en tot acompanyar a sa pair en ua visita tath pòble d'Isil, en 1765. Morís en Espitau dera sante Creu de Barcelona. Eth sòn pair Fèlix De Miguel ordene, en sòn testament, véner es libres qu'auie en casa e que çò que se trèigue damb era venta d'aguesti libres se liure de caritat en Espitau Generau dera Santa Creu, pera anima deth sòn hilh Carlos De Miguel, e en cas de que es libres pas se poguen véner se liuren a eth “replegador” de dit Espitau entà “que los faria acudir al dit Sant Hospital pera veneficiarlos y ferne dir misses”.

*** NISSAGA DELS ESCOT**

ESCOT NUÑEZ, Joan. ESTUDIANT DE CIRURGIAN

N. en Es Bòrdes ath torn de 1821. Matriculat en 1841 enquia 1844. Germà deth cirurgian Miquèu Escot Nuñez.

ESCOT NUÑEZ, Miquèu. CIRURGIAN

N. en Es Bòrdes ath torn de 1788. Exercic en Es Bòrdes totemp, a on viuec. Cirurgian romanciste. Revalidat en 1814. Ei testimoni dera revalida de Josèp Riu en 1814 e en aquest testimoniatge Miquèu Escot afirme que “Estudió el Arte de la Cirugia en la Ciudad de Tolosa”, cau pensar ena Tolosa francesa. Documentat en Aran des de 1823 enquia 1840. Morís en Es Bòrdes eth 2 de noveme de 1840.

*** NISSAGA DELS JAQUET**

JAQUET MOGA, Bartomèu. CIRURGIAN

N. en Arties ath torn de 1813. Cirurgian de tresau classa, sangnador. Revalidat en 1842. Germà de Joan Jaquet. Maridat damb Ròsa Vidal, que morís en 1870 as 58 ans. Aueren dus hilhs, un que serie eth mètge-cirurgian Antòni Jaquet Vidal. Documentat en Aran en 1842 enquia 1890. Morís, veude, en Arties eth 8 d'octubre de 1890.

JAQUET MOGA, Joan. CIRURGIAN

N. en Salardú. Cirurgian romanciste de dus examens. Graduat en 1789. Germà de Bartomèu Jaquet.

JAQUET VIDAL, Antòni. MÈTGE-CIRURGIAN

N. en Arties en 1844, casa "Doctó". Hilh deth cirurgian Bartomèu Jaquet e de Ròsa Vidal. Bachelier en Barcelona en 1860. Licenciati en medicina en 1866. Maridat damb Ròsa Portolá d'Arties que morís en 1876 as 38 ans. Documentat en Aran des de 1868 enquia 1876. Morís en Arties as 32 ans eth 28 de junh de 1876.

*** NISSAGA DELS MOGA**

MOGA SENS, Carlos. CIRURGIAN

N. en Betren eth 22 d'abri de 1802. Germà deth mètge Francesc Moga. Cirurgian de tresau classa, sagndor. Matriculat en 1834. Practiquèc damb Bartomèu Ricart en Tredòs. Revalidat en 1840.

MOGA SENS, Francesc. MÈTGE

N. en Betren. Germà deth cirurgian Carlos Moga. Estudièc ena Universitat de Cervera. Bachelier en medicina en 1836 e licenciati en 1839. Practiquèc damb eth mètge d'Arties Joan Mola.

*** NISSAGA DELS MONLAU**

MONLAU ESPAÑA, Francesc. CIRURGIAN

N. en Vielha eth 19 de març de 1761. Hilh de Josèp Monlau e Catalina España. Pair des cirurgians Pau Monlau e Jaume Monlau. Pair-sénher de Francesc Monlau. Matriculat en Reaiu Col.legi de Cirurgia de Barcelona en 1783. Graduat de cirurgian romanciste d'un examen en 1788. Practiquèc en Vilaller damb Jaume Portolés. Maridat damb Maria Sirat, en Vielha eth 22 d'octubre de 1792, Maria morís en Vielha en 1856. Documentat en Aran des de 1788 enquia 1828. En 1819 envie ua consulta tara Acadèmia de Medicina en relación a ua malautia de larinx. Morís en Vielha eth dia prumer d'agost de 1828.

MONLAU SIRAT, Jaume. CIRURGIAN

N. en Vielha eth 8 de març de 1804. Hilh deth cirurgian Francesc Monlau España e de Maria Sirat, germà deth cirurgian Pau Monlau. Matriculat en Reaiu Col.legi de Cirurgia de Barcelona en 1824. Graduat de cirurgian romanciste en 1829. Maridat damb Clara Coy, hilha deth cirurgian Antòni Coy. Un des hilhs, Francesc, siguec cirurgian en Lascuarre (Òsca). Documentat en Aran des de 1839 enquia 1858. Morís, veude, en Casarilh eth 21 de noveme de 1858. Viuie en Gessa.

MONLAU SIRAT, Pau. CIRURGIAN

N. en Vielha eth 13 de deceme de 1794. Hilh deth cirurgian Francesc Monlau España e de Maria Sirat, germà deth cirurgian Jaume Monlau. Matriculat en Reaiu Col.legi de Cirurgia de Barcelona en 1814. Revalidat de cirurgian romanciste en 1819. Practiquèc damb eth cirurgian Pau Carità.

Maridat damb Manuela Moga. Documentat en Aran des de 1828 enquia 1852. Ena relacion que s'envie tara Acadèmia de Medicina des mètges e cirurgians que trebalhen en Aran ei mencionat en 1832 mès ena de 1839 se mencione que Pau Monlau se trobaue "expatriado". Torne a gèsser ena relacion de 1840. Possiblement s'expatrièc pendent era guerra carlista. Morís en Vielha eth 15 de junh de 1852.

*** NISSAGA DELS PENA / PENYA**

PENA (PENYA), Benet. MÈTGE

N. en Vielha. Maridat damb Anna Maria Arjó, d' Arres. Pair deth mètge Carlos Penya. Documentat en Aran des de 1685 enquia 1717.

PENYA ARJÓ, Carlos. MÈTGE

N. en Arròs. Hilh deth mètge Benet Penya. Maridat damb Isabèl Anna Moga-Pont Abadia en 1720. Referenciat en Aran en 1720.

PENYA, Père. MÈTGE

N. en Arròs. Pair deth mètge Josèp Penya. Referenciat en Aran des de 1634 enquia 1667. Siguec desaconductat peth Conselh en 1667.

PENYA, Josèp. MÈTGE

N. en Arròs. Hilh deth mètge Père Penya. Referenciat en Aran en 1661 e en 1667. Siguec desaconductat peth Conselh en 1667.

*** NISSAGA DELS PUYOL**

PUYOL CALBETÓ, Antòni. CIRURGIAN

N. en Vielha en 1795. Cirurgian romanciste d'un examen. Matriculat en Reiau Col.legi de Cirurgia de Barcelona en 1814, as 19 ans. Revalidat en 1817. Germà deth mètge Agustí Puyol. Maridat damb Antònia Vidal de Casau, non aueren hilhs. Encargat des visites as malauts militars der espitau de Sant Pèr de Casau. Documentat en Vielha des de 1817 enquia 1869. En 1833 ei regidor der Ajuntament de Vielha. En 1845 demane ara Acadèmia eth nomenament de Subdelegat de Medicina en Aran en tot subsituïr a Ramon Ademà. Non s'acceptec pas era sua prepausa, siguec nomentat Joaquim Escot. En 1819 envie ua consulta tara Acadèmia de Medicina en relacón a ua malautia de larinx amassa damb eth cirurgian Francesc Monlau e damb eth mètge Manuèl Vergés. En 1869 hèc testament, as 76 ans, en tot deishar uns bens, sabates, mocadors, ua capa, dues casaques, dues armilhes, un chapèu, dues camises, e 50 liures araneses a un frair sòn que viu en França, Josèp Puyol, as sòns nebots Maria e Santiago les dèishe 100 liures araneses entre es dus, en tot nomenar eretièr de toti es sòns bens ath sòn frair, eth mètge Agustí Puyol, qu'auie compartit damb eth era conducta de Vielha, un coma cirurgian e er aute coma mètge-cirurgian en ans anteriors.

Morís en Vielha eth 18 de junh de 1869, de ço de Boya.

PUYOL CALBETÓ, Agustí. MÈTGE – CIRURGIAN.

Maridat damb Antònia Deó. Germà deth cirurgian Antòni Puyol. Documentat en Vielha en 1856, 1860. En 1869 ere viu en tot èster er eretièr deth sòn germà.

PUYOL ESCALA, Agustí. MÈTGE – CIRURGIAN.

N. en Artiga de Lin, en 1813. En sòn expedient academic ditz que neishec en Vielha e en quaque lòc ditz que en Bagneres de Luishon més era realitat ei que neishec en Artiga de Lin a on es sòns pairs demorauen e atau ac ditz era sua partida de defunció. Hilh de Jaume Puyol e de Maria Escala. Matriculat en Reiau Col.legi de Medicina e Cirurgia de Barcelona en 1832. Revalidat de cirurgian sangnador en 1835. Hec es practiques de cirurgian damb eth sòn oncle Antòni Puyol. En 1844 ei bachelier de medicina e en 1846 licenciat en medicina. Residic en Vielha e dempús en Montcorbau a partir de 1839. Autor deth trabalh *Por cuántos métodos se introducen los medicamentos en el cuerpo?* Morís en Vielha eth 2 de març de 1901, ère de çò deth "Mètge Puyol".

*** NISSAGA DELS RODÉS**

RODÉS RIMONT, Antòni. CIRURGIAN

N. en Escunhau eth 13 d'octobre de 1807. Cirurgian de tresau classa, sangnador. Hilh de Vicens Rodés e de Maria Rimont. Germà deth cirurgian Pau Rodés. Matriculat en Reiau Col.legi de Cirurgia de Barcelona en 1835. Revalidat en 1838. Maridat damb Maria Laurens Mirat, de Escunhau. Exercic en Taüll a on ei documentat en 1840 e 1843.

RODÉS RIMONT, Pau. CIRURGIAN

N. en Vielha eth 27 de deseme de 1812. Cirurgian de dusau classa. Hilh de Vicens Rodés e de Maria Rimont. Germà deth cirurgian Antòni Rodés. Matriculat en Reiau Col.legi de Cirurgia de Barcelona en 1841. Graduat en 1853.

*** NISSAGA DELS ROMEBA**

ROMEBA BORDES, Joan. CIRURGIAN

N. en Canejan eth 8 de gèr de 1758. Cirurgian romanciste d'un examen. Hilh de Matèu Romeba e de Maria Bordes, de Canejan. Pair des cirurgians Francesc Romeba e Joan Romeba e pair-senhèr de Josèp Romeba. Matriculat en Reiau Col.legi de Cirurgia de Barcelona en 1784. Graduat en 1791. Maridat damb Maria Medan Sanglada en Les en 1795. Aueren cins hilhs e ua hilha. Documentat en Aran des de 1795 enquia 1829. Morís en Canejan eth 3 de junhsèga de 1829.

ROMEBA MEDAN, Antòni Francesc. CIRURGIAN

N. en Canejan eth 21 de junhsèga de 1799. Cirurgian romanciste. Hilh deth cirurgian Joan Romeba Bordes e de Maria Medan. Germà deth cirurgian Joan Romeba. Pair des cirurgians Francesc Josèp e Josèp Romeba Romeba e der estudiant Joan Romeba. Matriculat en Reiau Col.legi de Cirurgia de Barcelona en 1818. Graduat en 1824. Maridat en Canejan en 1822 damb Teresa Vidala Romeba Bacaria, que morís, veuda, en 1876. Aueren un hilh, Manuèl, que

siguec prebèr, er aute hilh cirurgian. Documentat en Aran des de 1822 enquia 1873. Morís en Canejan eth 7 de junh de 1873. I a correspondencia sua damb era Acadèmia de Barcelona en relacion a ua sospita d'intrusisme e en relacion a ua petición deth cirurgian Francesc Bacaria.

ROMEBA MEDAN, Joan. CIRURGIAN

·N. en Canejan eth 22 de gèr de 1811. Cirurgian de tresau classa. Hilh deth cirurgian Joan Romeba Bordes e de Maria Medan. Germà deth cirurgian Antòni Francesc Romeba. Matriculat en Reiau Col.legi de Cirurgia de Barcelona en 1839. Graduat en 1843. Habilitat de dusau classa en 1867. Exercic en San Mateo de Gállego (Saragossa).

ROMEBA ROMEBA, Francesc Josèp. CIRURGIAN

N. en Canejan eth 29 de deseme de 1835. Hilh deth cirurgian Antòni Francesc Romeba Medan e de Teresa Vidala Romeba. Germà deth tanben cirurgian Josèp e de Joan Romeba Romeba. Cirurgian sangnador. Graduat en 1859. Maridat damb Antònia Arnaut, de Tírvia (Pallars Sobirà). Exercic en Barruera e Boí en 1861-1862.

ROMEBA ROMEBA, Joan. ESTUDIANT DE CIRURGIAN

N. en Canejan eth 14 d'octubre de 1826. Hilh deth cirurgian Antòni Francesc Romeba Medan e de Teresa Vidala Romeba. Germà des cirurgians Francesc Josèp e Josèp.

ROMEBA ROMEBA, Josèp. CIRURGIAN

N. en Canejan eth 23 de mai de 1833. Cirurgian sangnador. Hilh deth cirurgian Antòni Francesc Romeba Medan e de Teresa Vidala Romeba. Germà deth tanben cirurgian Francesc Josèp e de Joan Romeba Romeba. Revalidat en 1860.

*** NISSAGA DELS SAFONT**

SAFONT PEREMARTÍ, Francesc. CIRURGIAN

N. en Bossòst eth 28 d'octubre de 1725. Maridat damb Ròsa Cau. Pair de Blai, Tomàs e Joan Safont Cau. Documentat en Bossòst des de 1764 enquia 1789. Morís en Bossòst er 1 de gèr de 1789.

SAFONT CAU, Joan. ESTUDIANT DE CIRURGIAN

N. en Bossòst. Hilh deth cirurgian Francesc Safont Peremartí. Germà de Blai e Tomàs. Matriculat de cirurgian romanciste en 1791.

SAFONT CAU, Tomàs. CIRURGIAN

N. en Bossòst eth 26 de gèr de 1768. Hilh deth cirurgian Francesc Safont Peremartí. Germà de Blai e Joan. Exercic era cirurgia.

SAFONT CAU, Blai. CIRURGIAN?

N. en Bossòst. Encara que se mencione coma cirurgian en 1796 en Bossòst e enes referències des libres parroquiaus, en sòn maridatge e enes registres des sòns hilhs en tot consultar eth sòn expedient se reflectís que se matriculèc de cirurgian romanciste en 1778 més en 1792 siguec suspenut e expulsat des estudis. Hilh

deth cirurgian Francesc Safont Peremartí. Germà de Joan e de Tomàs. Maridat en 1794 en Bossòst damb Maria Agneti Bordes, hilha deth mètge Andrèu Bordes, que moric as 60 ans en 1830, aueren un hilh en 1796 e ua hilha en 1798.

SAFONT BORDES, Andrèu. CIRURGIAN

N. en Bossòst eth 10 de març de 1794. Cirurgian romanciste. Hilh deth cirurgian Blai Safont Cau e de M^a Agnetis Bordes. Matriculat en 1816. Revalidat en 1822. Exercic en Bossòst. Morís solter eth 13 de seteme de 1829.

*** NISSAGA DELS VIDAL-RODÉS**

VIDAL, Bartomèu. CIRURGIAN

N. en Escunhau. Maridat damb Anna Maria Rodés en 1701. Aueren cinc hilhs e ua hilha. Pair deth cirurgian Francesc Vidal Rodés. Documentat en Aran des de 1682 enquia 1730. Morís en Vielha eth 15 de gèr de 1732.

·VIDAL RODÉS, Francesc. CIRURGIAN

·N. en Vielha en 1712. Hilh deth cirurgian Bartomèu Vidal e Anna Maria Rodés. Maridat damb Joana Ladevesa Perales en 1753, aueren dus hilhs. Documentat en Aran des de 1735 enquia 1743. Morís en Vielha eth dia prumer d'hereuèr de 1752.

*** NISSAGA DELS VIDAL-SALA-ESPAÑA**

VIDAL SANGERMÉS, Agustí. MÈTGE

N. en Escunhau eth 2 d'abriu de 1747. Matriculat en Òsca en 1770. Graduat en medicina en 1771. Revalidat en 1772. Maridat damb Ròsa Sala Vergés, de Betren, que morís, veuda, en Vielha en 1825 as 82 ans. Pair deth cirurgian Antòni Vidal Sala e pair-sénher deth cirurgian Agustí Vidal España.

VIDAL SALA, Antòni. CIRURGIAN

N. en Betren eth 3 d'abriu de 1777. Cirurgian romanciste. Hilh deth mètge Agustí Vidal Sangermés e de Ròsa Sala. Pair deth cirurgian Agustí Vidal España. Matriculat en 1804. Revalidat en cirurgia en 1815. Morís en Arties, veude, eth 14 de març de 1834 e nomenete eretièr universau ath sòn hilh Agustí Vidal "*si se retira a esta de Arties*", se non ei atau nomenete eretièra ara sua hilha Ròsa.

VIDAL ESPAÑA, Agustí. CIRURGIAN.

N. en Arties en 1802. Cirurgian romanciste. Hilh deth cirurgian Antòni Vidal Sala e de Antònia España. Arrèhilh deth mètge Agustí Vidal Sangermés. Matriculat en 1824. Licenciati en cirurgia en 1828. Designat eretièr per sa pair se retiraue a víuer en Arties.